

西行吟草二十一首

西行吟草——郑福田

机上望娄山（七律）

犁雾披风景色殊，葱茏十万满前途。
江形夹岸银镶翠，岭势浮云絮抱珠。
早向吟边期旧雨，今从禅境望青娄。
他年若忆游踪远，碧意浑茫起雁凫。

登娄山关（七律）

娄关深秀凤凰姿，两翼连云地势危。
浴血正缘新号角，登高能忆旧旌旗。
情怀好句霜晨月，扑面芳春草木陂。
一战回天成典则，至今烟露护丰碑。

遵义会议会址忆毛公（七律）

四山将翠入窗扉，一水名湘去不归。
于我来时春雨细，当君会后好风围。
若非转日从头越，怕得成功与愿违。
方寸小楼连国运，檐间银杏叶犹肥。

天星湖（七律）

天星湖畔草萋萋，能数生辰石作梯。
藤老百年缠老树，花新三月恋新泥。
奇泉吐玉千寻练，怪屿临流独角犀。
绝壁根须龙虎力，人前盘绕是佳儿。

瞻王若飞旧居（七律）

外家珍重读书郎，若诵秦诗渭水阳。
才向苍原营淡绿，便教青史动元黄。
当风劲节山川气，临事高怀草木霜。
凤羽垂天天不老，旧宅烟雨忆甘棠。

谒梵净山（七律）

梵净深幽景色奇，山间十九野云垂。
朝元索道逾千尺，涤虑山泉仅一卮。
金顶君来光灿烂，碧峰我望草披离。
承恩已暮天王殿，八面生民要护持。

梵净山金顶（七律）

金顶穿空色不开，盘旋野马与尘埃。
东风已重千寻索，青眼犹辜百丈苔。
才饮甘泉兼沃面，更思法语若闻雷。
欢呼净扫梵光出，佛国崇峰大矣哉。

过乌蒙山（七绝）

萦回高路入山林，云雾轻车几百寻。
梦里不堪罗髻减，凭栏细数起微吟。

西宁（七律）

西宁客舍与峰齐，再入高原意未迷。
天上平湖青海水，人间正味老牛蹄。
酥油着彩金莲美，壁画除尘紫幔低。
唐卡庄严堆绣色，无心秋雨渐如溪。

天水（七律）

秦州当日有奇池，正是君王得意时。
天上银河颁下水，云间玉树建高枝。
行来要谒初皇里，归去须吟老杜诗。
故李将军新庙貌，千年侧柏与山齐。

贵阳晨起（七绝）

开窗雾气早沾衣，榆柳檐前叶已肥。
啼鸟也知云外信，枝头相向不轻飞。

亮欢寨夜饮（七绝）

牛角弯环酒味淳，锦鸡歌曲更无伦。
绣球也向东风里，抛与西江作客人。

兰州（七律）

一自金城起汉家，接天气象邈云霞。
皋兰将帅千秋业，河水功名万里笳。
回望关山迷道路，重来瓜果醉唇牙。
陇头旧事诗人语，撩乱长川烂漫花。

南郭寺（七律）

老柏森然带露横，从来佳气满佳城。
廊轩二妙诗书好，花径三回草树平。
一水清光能作镜，四山晚照可调箏。
中华史迹秦州古，旧寺南郭有盛名。

敦煌道上（七律）

单车千里旱风奢，蓬草金滩未有涯。
湖月清时堪照影，龙山危地好鸣沙。
来瞻俯仰佛左右，去住低昂路仄斜。
百代勋名阳关远，党河东岸见琵琶。

敦煌雅丹地貌（七律）

为有仙山照眼明，翻疑身向海中行。
疏勒有水流罗布，平谷无缘入梦城。
狮面要从心里得，天风还向鬓边鸣。
青沙莫令黄沙起，闭目来观虎啸声。

敦煌莫高窟（七律）

祁连余脉接鸣沙，石室文章照海涯。
几窟飞天围覆斗，一袍垂地作流霞。
韩侯成败王圆籙，汉相凋残华而拿。
清态今传迦叶好，却将菩萨比宫娃。

登崆峒（七律）

过境从容问道风，驱车千里向崆峒。
四山立壁边云渺，一水鸣琅塞草丰。
已有霜心红万树，岂无诗句咏孤鸿。
高松根蔓玲珑塔，满把珠花照玉宫。

过平凉（七律）

早因唱本认平凉，尽说当年古战场。
毕竟崆峒谁问道？终归泾渭几发皇？
飞天雅乐真神母？彻地徒歌果穆王？
我自登临秋自好，圆和心满碧霞觞。

过萧关（五律）

塞上朝辉晚，关头秋草黄。
霜华迷野径，风色掠边荒。
泾水三环折，盘山九曲长。
古今无限事，天地正苍苍。

游织金洞（七古）

领袖当年志伟功，曾以泥丸比乌蒙。
我来正逢春色好，青山相送复相从。
扑面众峰颜如翠，稼轩佳词犹能记。
几峰妩媚几峰娇，意态淑华真如髻。
车逐岚雾林渐深，行处不觉过千寻。
回眸却看前时路，斗折龙盘叹不禁。
织金景物天下秀，宝洞乾宏魁宇宙。
闻道功在斗鸡人，打鸡开新云出岫。
下车入境胜仙乡，时贤题字看琳琅。
尽说天下奇观萃，文物风流耀吾邦。
迎宾厅映太阳缕，千万金辉参差舞。
一石宛若蘑菇云，一塘或从剑池雨。
日月深潭水深青，顶有祥光好讲经。
八方立壁斑斓久，始知棒喝是雷霆。
时间点滴垂零露，池沼河梁从容渡。
金塔钟旗蔚壮观，石笋石花盈道路。
万寿山高孔雀飞，三星含笑立崔巍。
若为百姓祈祥瑞，口内稻粱身上衣。

地下长湖已罕有，铁树银花真无偶。
个中境界皆天成，吾人对此只搔首。
东岸循行路盘环，欲扣帝阍举步艰。
莫道人间多风雨，黄河九曲复何言。
萦回明灭非容易，戏如人生非戏。
君看一洞一灵霄，各从其班任其志。
月兔桂花守广寒，多情未必好凭栏。
应怜光影辛勤久，莫教秋风误儒冠。
或如辉煌垂帘幕，或如琵琶能作乐。
或如传道在高台，或如沽酒共君酌。
无限风流无限姿，到此愈惊世之奇。
物华天宝罗星斗，令人扬首每长思。
电彩缤纷成五色，我游浑然忘其黑。
曲径忽焉见天光，多束交会竟如织。
出门顿觉地宽平，四面青山过来迎。
欢笑同侪相指看，兹游真可快平生。
遥望南山山萃落，山上生石石成漠。
丁口自繁田不增，惟将锄锄殷勤凿。
感奋发扬积有年，方新思路换新天。
优势后发期先至，仰视高标乌蒙巅。

作者系内蒙古政协副主席

西行吟草——郑福田